

Այսպէս 'ի ձախ թեւ:

Եւ այսպէս համարելով մինչև որքան ան-
 ձինք որ լինիցին զի հրաւիրեալք անձինք առա-
 ջագոյն ծանիցեն աստիճան բազմեալոյ իւրա-
 քանչիւրոց 'ի վերայ սեղանի զի մի գայթակ-
 ղեսցեն, ոչ ոք մի յանդգնեսցի յիշխել նստու-
 ցանել զինքն 'ի տեղի այլոց, այսպէս յառաջ
 քան զխոստանալն իւրաքանչիւրօք մտանել 'ի
 տեղի հրաւիրեցեալ տան, երկայնամիտ լինելով
 եթէ հաճեսցի կամացն իւր նոյն կարգաւ բազ-
 միլ 'ի սեղան երթիցէ, և եթէ գտցի անպատու-
 թիւն ինչ 'ի աստիճանի իւրոյ, ներուժն խնդրե-
 լով հրաժարեսցի. այսպէս լինիցի սահման 'ի
 վերայ բամբջաց և տիկնոց եթէ բազմիլ 'ի սե-
 ղան և եթէ 'ի յոտս կալ առ 'ի կաքաւ, և ոչ ոք
 յիշխան և հասարակ այր բամբուշ և հասարակ
 տիկին որ 'ի տան հրաւիրեալ մի գտցի, հար-
 բեալ և անպատեն շարժեալ, և բանալ բերանս
 իւր համարձակ, և եթէ գուցէ այսպիսի անպա-
 տեն շարժող առն այն եթէ այր և եթէ կին ով
 ոք որ իցէ՝ ոչ ոք կրկին հրաւիրեսցի նմայ 'ի
 հանդէս և եթէ 'ի պատճառէ ընտանեակցութենէ
 հրաւիրողի հարկեսցի ումք հրաւիրել, այլ հրա-
 ւիրեալքն ամենայն խոյս տացեն և ներողութիւն
 խնդրեսցեն և ոչ ոք մտցէ 'ի հանդէսն որում
 աղմկոզն հրաւիրեալ գտցի: